



Infurmaziuns praticas per la promoziun integrativa

Las explicaziuns qua sutvart èn in agid d'orientaziun per il livel da la direcziun da la scola e duai esser in sustegn per realisar la promoziun integrativa en la scola. Il document da lavur cumplettescha ils documents da basa existents (lescha davart la scola populara, ordinaziun tar la lescha davart la scola populara sco er directivas davart las mesiras da la pedagogia speziala) e n'ha nagin character directiv.

La direcziun da la scola dirigia ils process e la planisaziun en il senn d'ina scola integrativa. Ella è responsabla per la direcziun professiunala e controllescha la realisaziun. L'inspecturat da scola, il servetsch psicologic da scola ed ulteriurs posts spezialisads porschan sustegn per quest intent.

Instrucziun e collavuraziun interna

Tant la planisaziun da l'onn, dal quartal e da l'emna sco er la planisaziun da promoziun èn transparentas per las PI-cl e per la PCS. La planisaziun vegn fatga ad uras e vegn messa a disposiziun vicendaivlamain. L'invista da la preparaziun, da las basas da planisaziun sco er dals plans da l'emna e da la planisaziun da promoziun è garantida vicendaivlamain da tut temp.

Resumaziun

Las finamiras da l'instrucziun e la planisaziun da la promoziun han ina relaziun ina cun l'autra. La PCS enconuscha las finamiras da l'instrucziun e la PI-cl enconuscha las finamiras da promoziun adattadas per las singulas scholaras e per ils singuls scholars. En spezial ils cuntegns d'ina lecziun, durant la quala la promoziun integrativa vegn fatga, han in connex cun la planisaziun da la promoziun.

Relaziun cuminaivla

Las finamiras da l'instrucziun vegnan fixadas da las PI-cl resp. da las PI dal fatg e servan sco punct da partenza per planisar cuminaivlamain la lecziun. L'adattaziun e l'individualisaziun da las finamiras da l'instrucziun per la promoziun integrativa da singulas scholaras e da singuls scholars d'aventan uschia pir pussaivlas per la PCS.

Finamiras da l'instrucziun

L'organisaziun e las metodos da l'instrucziun ston vegnir tschernidas uschia, ch'igl è pussaivel a las PCS da lavurar effizientamain durant la promoziun integrativa (tegnair curt sequenzas centralas da las persunas d'instrucziun).

Organisaziun e metodos

La collavuraziun è reglada en las cundiziuns d'engaschament ed è prescritta a moda lianta en ils carnets d'obligaziuns.

Collavuraziun e carnet d'obligaziuns

Scleriment da las rollas

La funcziun sco er las cumpetenzas e las incumbensas da las PI-cl e da la PCS èn scleridas. Ils differents models da la collavuraziun vegnan discutads e reflectads en il team da las persunas d'instrucziun. Las cumpetenzas dal rom ed il know-how da las persunas cumpigliadas vegnan tratgs a niz.

Resumaziun



Las aspectativas e las regulaziuns concernent la participaziun da la PCS a dis da sport, ad occurrenz spezialas, a sesidas, a sairadas da geniturs, a discurs e.u.v. ston vegnir definidas cleramain.

Participaziun da PCS

Las PCS lavuran primarmain en il rom da la promoziun integrativa. Engaschaments da lavur sco substituziun ston vegnir analisads criticamain.

La collavuraziun tranter la PI-cl, la PCS ed eventualmain las PI dal fatg sco er l'instrucziun responsada cuminaivlamain vegnan reflectadas regularmain, sch'ella ha success e sch'ella è effizienta.

Reflexiun da las rollas

La direcziun da la scola ha invista en la collavuraziun e controllescha lur qualitat.

Garanzia da la qualitat

Tranter las PCS han lieu in barat professional sistematic, eventualmain cun il sustegn dal Servetsch psicologic da scola u d'ulteriuras persunas spezializadas, en furma d'intervisiun, da conferenzas specificas u d'ina furmaziun supplementara specifica, eventualmain er regionala.

Barat specific

Per PCS senza experientscha resp. scolaziun correspudenta vegn recumandà in sustegn professional p.ex. tras ina PCS cun experientscha ed er en il rom da l'introducziun en la professiun per persunas d'instrucziun (IPPI).

Planisaziun da promoziun

Il ciclus da la planisaziun da promoziun (andament, frequenza dals discurs davart la situaziun actuala) è reglà en moda unitara per tut la scola.

Resumaziun

Discurs davart la situaziun actuala vegnan realisads en responsabladad cuminaivla PI-cl e PCS. Las cumpetenzas concernent l'invit, il lead, la protocollaziun èn scleridas.

Discurs davart la situaziun actuala

Ils plans da promoziun sa basan sin structuradas unitaras e vegnan realisads en moda lianta.

Plans da promoziun

En il sector dals plans da promoziun e dals rapports davart l'emprender han las PCS la pussaivladad da duvrar models, exempels e tools. Per far ils plans da promoziun è la PCS responsabla.

La planisaziun da promoziun s'orientescha a las finamiras da l'instrucziun e las finamiras da promoziun èn deducidas da las finamiras surordinadas concludidas en il discurs davart la situaziun actuala. Tut las persunas spezializadas participadas (inclusiv terapeutas e terapeuts, logopedas e.u.v.) vegnan integradas en moda interdisciplinara en la planisaziun da promoziun.

Orientaziun da la promoziun

Ils plans da promoziun èn accessibels per tut las persunas d'instrucziun cumpigliadas.

accessibladad



La direcziun da la scola ha invista en ils plans da promoziun; ella pretenda in standard professiunal sco er ina documentaziun lianta. La repartiziun e l'archivaziun èn regladas en moda unitara.

Invista, documentaziun, repartiziun, archivaziun

Planisaziun dals pensums

La direcziun da la scola po concepir la repartiziun da las resursas en moda flexibla ed ha in pool da pensums cun reserva. Uschia datti la pussaivladad da tractar las midadas dal basegn da promoziun che resultan en il decurs da l'onn da scola.

Resumaziun

Ils pensums e las incumbensas da la PCS èn definids cleramain. Sche pussaivel èn lecziuns da la scolaziun speziala integrativa (SSI) e da la promoziun integrativa en ina classa/partiziun concedidas ad ina suletta PCS (temp da preschientscha en ina classa, main persunas da referiment per classa). La PCS na instruescha betg memia bleras classas. A mintga classa resp. a mintga persuna d'instrucziun da classa è normalmain attribuida ina PCS.

Incumbensas da PCS

Sche pussaivel vegnan engaschadas PCS cun scolaziun. La qualificaziun professiunala e l'abiltad da cooperar stattan en il center. Persunas d'instrucziun adattadas senza diplom da PCS vegnan motivadas d'absolver ina scolaziun u ina furmaziun supplementara.

Qualificaziun da PCS

Tar PCS cun differents patruns (center da cumpetenzza e purtader da scola) è la responsabladad generala persunala reglada cleramain.

Responsabladad generala dal persunal

Il basegn da mesiras da la pedagogia speziala vegn registrà, evaluà e reflectà regularmain.

Basegn da mesiras da la pedagogia speziala

La direcziun da la scola sustegna la cuntinuitad en il team. Ils process da collavuraziun tranter las PI-cl e las PCS vegnan optimads tras ina collavuraziun a vista pli lunga.

cuntinuitad

En scolas grondas èn las PCS attribuidas fixamain ad in stgalim (1. ciclus, 2. ciclus, 3. ciclus). Uschia pon els sa spezialisar en il rom e metodic-didactic sin il stgalim respectiv.

Repartiziun dals stgalims

L'engaschament d'assistenzas per distgargiar classas u persunas d'instrucziun po esser util. Ellas na pon betg surpigiar las incumbensas d'ina PCS.

Assistenzas

Concepziun da l'urari

Las localitads pussibiliteschan ina instrucziun integrativa e parzialmain integrativa sco er ina promoziun dals uffants spezialmain talentads (stanzas da grupp, stanzas da resursas, materialias da promoziun).

Relaziuns territorialas

Midadas da lieu vegnan resguardadas tar la planisaziun da l'urari.

midada dal lieu

Las lecziuns da discussiun (lecziuns indemnissadas e betg indemnissadas) èn declaradas liantamain en l'urari.

Lecziuns da discussiun

Svilup da l'organisaziun e da l'instrucziun



Las differentas finamiras da promoziun (Pin-p, Pin-s, Pin-c) èn cleras a tut las personas participadas. Las purschidas figureschan en l'urari. En la planisaziun da l'instrucziun duai la Pin-s vegnir resguardada.

Resumaziun

Il svilup da l'instrucziun metta en il center la pratica cun eterogenitad.

Pratica cun eterogenitad

Ils andaments en il sector da las mesiras da la pedagogia speziala èn reglads claramain e mess en scrit.

Process

En il team da la chasa da scola datti cunvegnientschas davart ils cuntegns e davart las differentas finamiras da las differentas mesiras da promoziun (Pin-p, Pin-s, Pin-c).

Coordinaziun da las finamiras

Las finamiras en il sector da la Pin-p vegnan fixadas ordavant cuminaivlamain. La planisaziun po vegnir fatga sur pliras emnas. I vegn recumandà da fixar quellas en il portfolio da classa.

Portfolio da classa

Experientschas en las lecziuns da promoziun integrativa vegnan evaluadas e reflectadas regularmain (Co po in teamteaching reussir? Tge è ina buna instrucziun da promoziun?).

Reflexiun d'experientschas

La promoziun dals duns e talents sto vegnir resguardada adequatamain en l'instrucziun. La scola ha formulà obligaziuns areguard la promoziun dals duns, p.ex. concept, persuna d'instrucziun cun ina incumbensa concreta, inputs repetids en il team, persuna spezialisada cun ina furmaziun supplementara specifica.

Promoziun dals talents

Las mesiras da promoziun da las singulas scholaras e dals singuls scholars vegnan reflectadas regularmain, en spezial cun midar dal 2. ciclus al 3. ciclus è inditgada in'examinaziun. Medemamain duai la promoziun integrativa esser ina part integrala dal discurs da resun tranter las personas d'instrucziun da la 6. classa e dal stgalim secundar I.

Midada 2. al 3. ciclus

La direcziun da la scola prenda serius indizis, sch'i dat memia grondas grevezas e memia bler squitsch en il sistem ed agescha en moda proactiva (sustegn personal supplementar, cussegliaziun spezialisada, purschidas da timeout).

Ir enturn cun grevezas

Las basas elavuradas, p.ex. sequenzas d'emprender e materialias da lavur, duain star a disposiziun sche pussaivel a tut las personas d'instrucziun ed a tut las PCS.

Access a las basas

La direcziun da la scola definescha la promoziun integrativa sco part centrala dal svilup da l'instrucziun e da l'organisaziun (barat professional e pedagogic). En il program da scola è planisada la furmaziun supplementara per tut il team davart dumondas da la promoziun integrativa.

Svilup da l'instrucziun e da l'organisaziun

Collavuraziun ed infurmaziun externa

Tut ils geniturs vegnan infurmads activamain davart il senn e davart l'intent da la promoziun integrativa e davart sia realisaziun al lieu sco er davart la pratica da giudicament (p.ex. part obligatorica da la sairada da geniturs). La PCS è exnum preschenta a las sairadas da geniturs.

Infurmaziun dals geniturs



Purschidas e servetschs dals posts chantunals spezialisads vegnan tratgs a niz. Servetschs dal chantun

Abreviaziuns

- Pl-cl Persunas d'instrucziun da classa
- PCS Pedagogas curativas e pedagogs curativs da scola (en il text vegn duvrada la furma feminina)
- Pin Promoziun integrativa
- Pin-p Promoziun integrativa sco prevenziun
- Pin-s Promoziun integrativa senza adattaziun da las finamiras da l'instrucziun (spezialmain en cas da flaiwezzas parzialas da la prestaziun)
- Pin-c Promoziun integrativa cun adattaziun da las finamiras da l'instrucziun
- SSI Scolaziun speziala integrativa